


诗毛氏传疏

下
册



清·陈奂著

诗毛氏传疏

下册

北京市中国书店

詩毛氏傳疏卷二十五

長洲陳奐學

蕩之什詁訓傳弟二十五

毛詩大雅

蕩之什十一篇九十二章七百六十九句

蕩八章章八句

蕩召穆公傷周室大壞也厲王無道天下蕩蕩無綱紀
文章故作是詩也

蕩蕩上帝下民之辟傳上帝以託君王也辟君也疾威

上帝其命多辟傳疾病人矣威罪人矣天生烝民其命

匪諶靡不有初鮮克有終傳諶誠也疏爾雅盪盪僻也盪與蕩同僻當

作辟古邪辟作辟箋蕩蕩法度廢壞之兒與辟義相近
上帝辟君王版傳同辟君釋詁文般武天命多辟傳同
疾威平列傳云疾病人威罪人箋疾病人者重賦斂也
威罪人者峻刑法也辟邪辟箋云其政教又多邪辟不
由舊章說苑至公篇夫公生明偏生暗端慝生達詐偽
生塞誠信生神夸誕生惑此六者君子之所慎也而禹
桀之所以分也詩云疾威上帝其命多辟言不公也三
家詩上帝亦指君王與毛訓異義同○諶誠爾雅釋詁
文說文作忱古諶忱通烝烝也其命匪諶即冢上其命
多辟句言天生此天下之眾民何其政教之不誠也靡
不有初鮮克有終所謂不誠也版靡聖管管
不實于宣傳宣誠也版蕩二詩文義相同

文王曰咨咨女殷商傳咨嗟也曾是彊禦曾是掎克曾
是在位曾是枉服傳彊禦彊梁禦善也掎克自伐而好

勝人也服服政事也天降滔德女興是力傳天君滔慢

也疏咨讀爲茲說文茲善也嗟與善同咨茲雙聲咨嗟
亦雙聲單言曰嗟亦曰咨繫言曰咨髮爾雅嗟咨

鬢也咨鬢卽咤嗟廣韻咤嗟憂聲也亦曰嗟咤咤或作
茲綢繆傳子兮者嗟茲也咨咤茲子竝字異而義同箋
云厲王弭謗穆公朝廷之臣不敢席言王之惡故上陳
文王咨嗟殷紂以切刺之○傳訓彊爲彊梁禦禦爲禦善
禦當也禦善卽彊梁彊與禦猶培與克雖分釋而實同
義繁露必仁且知篇其強足以覆過其禦足以犯詐強
與彊通下文彊禦多懟烝民不畏彊禦左傳所稱彊禦
已甚吾軍帥彊禦竝義同一曰彊梁墨子魯問篇彊梁
不材莊子山木篇從其彊梁大玄彊莫不彊梁皆古有
此語培者伐之假借字傳以自伐釋培以好勝人釋克
自伐勝人二義實一意也孟子告子篇培克在位趙注
云培克不良也此與傳義相通唯釋文培克聚斂之說
非傳義正義云釋詁服事也且在服與在位對文故知
服政事謂非徒備官又委任之也○天君釋詁文君亦
王也天謂之君上帝謂之君王其意一也說文牝牛徐
行也讀若滔滔牝聲義俱近古惰慢作慢慢德言其德
教之慢卽蕩蕩之意也女女
彊禦培克之臣也力猶疾也

文王曰咨咨女殷商而秉義類彊禦多懟流言以對寇

攘式內傳對遂也侯作侯祝靡屈靡究傳作祝詛也屈

極究窮也疏

秉操也義類皆善也而之言自也而秉義類言殷商之人自用為善所謂疆禦也抑

傳而角自用也彼無角而自用其角此不善而自用其善意正相同十月之交傳皇父甚自謂聖意亦同說文懟怨也流言民之譌言也對讀與遂同皇矣江漢傳皆訓對為遂爾雅遂遂作也是遂有作義式用也流言以對寇攘式內此承多懟而言民多相怨則譌言羣作而寇盜攘竊之禍用亂於內矣列女傳孽嬖篇引詩釋之云言不善之從內出也召旻孟賊內訂傳訂潰也亦此義也○祝讀為訓訓亦訓也傳文作祝詛也四字一氣讀祝詛二字以釋經之祝字則作祝連文成義侯作侯祝侯作祝也侯維也猶有也猶云是剝是菹是剝菹也爰始爰謀爰始謀也迺宣迺宣也克禋克祀克禋祀也匪紹匪游匪紹游也皆以弟一字為語詞第三字為助詞此其句例屈極節南山同究窮鴻雁同靡屈靡究言無終極無窮已也箋云王與羣臣並爭而相疑日祝詛求其凶咎無極已

文王曰咨咨女殷商女魚休于中國斂怨以爲德傳魚

休猶彭亨也不明爾德時無背無側傳背無臣側無人

也爾德不明以無陪無卿傳無陪貳也無卿士也疏魚

彭亨皆疊韻劉逵注魏都賦引詩作咆然說文繫傳作咆哮竝同箋云魚然自矜氣健之兒易大有釋文引干

寶注云彭亨驕滿兒斂怨以爲德怨卽上章之彊禦多

懟也箋云斂聚羣不逞作怨之人謂之有德而任用之

○禮記文王世子篇記曰虞夏商周有師保有疑丞設

四輔及三公不必備唯其人語使能也書大傳古者天

子必有四鄰前曰疑後曰承左曰輔右曰弼此傳以無

背爲背無臣無側爲側無人者背謂後也不言前者文

略側謂左右也卽四鄰四輔之說也昭三十二年左傳

史墨曰物生有兩有三有五有陪貳故天有三辰地有

五行體有左右各有妃耦王有公諸侯有卿皆有貳也

此傳以陪爲陪貳者謂三公也以卿爲卿士者謂三公

中之孤卿執政之一人也韓詩外傳天子有爭臣七人

雖無道不失其天下答殷王紂殘賊百姓絕逆天道至

言二十一
斷朝涉剝孕婦脯鬼侯醢梅伯然所以不亡者以其有箕子比干之故微子去之箕子執囚爲奴比干諫而外然後周加兵而誅絕之故曰有諤諤爭臣者其國昌有默默諛臣者其國亡詩曰不明爾德時無背無側爾德不明以無陪無卿言文王咨嗟痛殷商無輔弼諫諍之臣而亡天下矣韓詩與毛詩同義漢書五行志中詩云爾德不明以亡陪亡卿不明爾德以亡背亡仄言上不明暗昧蔽惑則不能知善惡親近習長同類亡功者受賞有罪者不殺百官廢亂其引詩與今本誤倒晉書亦誤顏注可證也

文王曰咨咨女殷商天不洎爾以酒不義從式傳義宜

也既愆爾止靡明靡晦式號式呼俾晝作夜傳使晝爲

夜也

疏

釋文引韓詩云飲酒閉門不出客曰洎文選七命注初學記器物部引薛君章句云齊顏色均

眾寡謂之沈閉門不出客謂之洎案此析言之也渾言沈洎同義箋天不同女顏色以酒正義引鄭注酒誥云飲酒齊色曰洎鄭以顏色釋洎字本韓詩義宜烝民同箋云式法也有沈洎於酒者是乃過也不宜從而法行

之○愆過也止威儀容止也風雨傳云晦昏也呼亦號也碩鼠賓之初筵傳竝云號呼也崔集注作譁漢書敘傳引詩作譁俾釋文作卑云後皆同俾訓使緣衣天保同作訓爲清人同號呼承既愆爾止句使畫作夜卽承靡明靡晦句也晏子襍下篇晏子謂田桓子曰無客而飲謂之從酒今若子者晝夜守尊謂之從酒也與詩義正合說苑貴德篇人之鬪誠愚惑失道者也詩云式號式呼俾晝作夜言鬪行也此三家義荀子榮辱篇不引詩當冢上飲酒無度而言

文王曰咨咨女殷商如蜩如蟴如沸如羹傳蜩蟴也蟴蜺也小大近喪人尚乎由行傳言居人上欲用行是道

也內異于中國覃及鬼方傳哭怒也不醉而怒曰哭鬼

方遠方也疏蜩蟴小弁同夏小正五月唐蜩鳴傳唐蜩者匭也唐匭今字皆加虫旁唐匭蟴之大

者析言之也渾言之則蜩亦名唐蜩詳七月篇漢書五行志中詩云如蜩如蟴如沸如羹言上號令不順民心

虛譁憤亂則不能治海內顏注云謂政無文理虛言譁
沓如蜩蟬之鳴湯之沸涓羹之將熟也案此謂政令之
憤亂毛意亦然也○傳假尚爲上陟帖又假上爲尚古
尚上聲通由訓用君子陽陽同謂厲王居乎眾人之上
不念禮法欲用行其道是以無小大事日近喪亡也襄
十四年左傳師曠曰天之愛民甚矣豈其使一人肆於
民上以從其淫而棄天地之性必不然矣是其義也此
言厲王之無道也說文大部彙壯大也从三大三日二
目爲彙三目爲彙益大也一日迫也讀若易慮義詩曰
不醉而怒謂之彙彙益大也一日迫也讀若易慮義詩曰
近淮南墜形注引詩作彙今隸變作彙彙爲怒不醉而
怒傳又申說怒之義也葛覃傳覃延也鬼方與中國對
文中國諸夏之國則鬼方爲諸夏之外史記楚世家周
夷王時熊渠立三子康紅疵爲王及厲王暴虐熊渠畏
其伐楚亦去其王至熊渠之孫熊勇六年而周人作亂
厲王出奔彘案此亦厲王怒延遠方之一證稽其年歲
尚在諸侯叛周之前傳云鬼方遠方抑用邊蠻方傳
邊遠也兩詩意正同與高宗伐鬼方指氏羌者異

文王曰咨咨女殷商匪上帝不時殷不用舊雖無老成

人尚有典刑曾是莫聽大命以傾疏匪非也上帝天也章也匪上帝不時言非天帝之不善是也與左傳云君與大夫不善是也句法相同般不用舊言般不用舊章故耳

文王曰咨咨女殷商人亦有言顛沛之揭枝葉未有害

本實先撥傳顛什沛拔也揭見根貌般鑒不遠在夏后

之世

疏顛讀爲蹶沛讀爲跋拔與跋通說文蹶跋也跋蹶也蹶跋本字顛沛假借字馬注論語里仁爲

云顛沛偃什也顛沛蓋古語傳文顛什沛拔也五字當作顛沛顛什沛拔也七字與上傳彊禦彊禦梁禦善也賓

之初筵傳號呶號呼呶謹也皆是統箸古語再釋占義

同一文法今傳奪顛沛二字當補正揭見根兒釋文作

根見根見者其根可見也韓子解老篇樹木有曼根有直根直根者書之所謂柢也柢也者木之所以建生也曼根者木之所以持生也若其根可見則本先撥矣傳以根見釋揭字揆下文本撥爲訓韓詩外傳根淺則枝

葉短本絕則枝葉枯詩曰枝葉未有害本實先撥言禍
福自己出也列女傳孽嬖篇引詩撥作敗字異義同○
漢書劉向傳詩曰殷鑒不遠在夏后之世亦言湯以桀
爲戒也聖帝明王常以敗亂自戒不諱廢興韓詩外傳
云夫明鏡者所以照形也往古者所以知今也故夏之
所以亡者而殷爲之殷之所以亡者而周爲之故殷可
以鑒於夏而周可以鑒於殷引詩作鑒與監同

抑十二章三章章八句九章章十句

抑衛武公刺厲王亦以自警也

(疏)

抑與賓之初筵皆衛武公入相於周而作

也史記十二諸侯年表武公和元年宣王之十六年至
平王十三年而卒衛世家武公和四十二年犬戎殺周
幽王武公將兵往佐周平戎甚有功周平王命武公爲
公五十五年卒據史記平王始命武公爲公武公於厲
王時未爲諸侯幽王時雖諸侯不聞爲周卿士則入相
於周斷在平王之世人相而作賓之初筵刺幽王作抑
刺厲王兩詩皆作於平王時而序云刺厲王者本作詩
之意而言取殷鑒不遠之義因遂增於蕩篇後正義以

爲追刺厲王是矣正義引楚語管衛武公年九十有五
矣有箴敬於國曰自卿以下至於師長士苟在朝者無
謂我老而舍我於是乎作懿以自儆案懿卽抑也抑爲
假借字儆與警通武公作抑已在前老年詩作於平王之
世其一證也序云亦以自警者與國語合賓之初筵
韓詩序云飲酒悔過則亦爲自警而作兩詩意正同

抑抑威儀維德之隅人亦有言靡哲不愚傳抑抑密也

隅廉隅也靡哲不愚國有道則知國無道則愚庶人之

愚亦職維疾哲人之愚亦維斯戾傳職主戾罪也疏抑

密爾雅釋訓文傳文廉下從正義本補隅字隅廉隅與
靜女靜貞靜楚茨度法度同其句例箋云人密審於威
儀抑抑然是其德必嚴正也古之賢者道行心平可外
占而知內如宮室之制內有繩直則外有廉隅此鄭申
毛之訓也又禮記儒行篇云近文章砥厲廉隅○國有
道則知國無道則愚論語公冶長文傳引之以釋經靡
哲不愚句瞻印傳哲知也厲王無道故無哲人而不愚
也韓詩外傳比干諫而舛箕子曰知不用而言愚也般

身以彰君之惡不忠也二君不可饒且爲之不祥莫大焉遂被髮佯狂而去君子聞之曰勞矣箕子盡其精竭其忠愛見比干之事免其身仁知之至詩曰人亦有言靡哲不愚箋言賢者皆佯愚不爲容貌如不肖然蓋本韓以明毛也職主悉蟬十月之交同箋云眾人性無知以愚爲主言是其常也案鄭以是其常釋經維疾二字疾無常義疑鄭所據詩不作疾疾當爲夷字之誤也皇矣瞻卬傳竝云夷常也夷戾入韻古同部疾戾古不同部爾雅戾臯也古罪臯通用箋云賢者而爲愚畏懼於罪也

無競維人四方其訓之有覺德行四國順之傳無競競

也訓教覺直也詩謨定命遠猶辰告傳許大謨謀猶道

辰時也敬慎威儀維民之則疏無競競執競傳同昭元年左傳引詩曰無競惟

人善矣左亦以無爲發聲又哀二十六年傳引詩而釋之若得其人四方以爲主人謂得賢人烝民烈文傳皆云訓道也教道義相近禮記緇衣引詩覺作枯王注楚辭九歎訓覺爲較何注隱六年公羊傳云古者諸侯有

較德案較德卽覺德爾雅枯較直也竝字異而義同箋訓覺爲大用列女魯義姑姊傳義繁露郊祭篇釋詩訓覺爲箸皆本三家而意實相通○許訓大謨謀爾雅釋詁文成十三年左傳劉康公曰民受天地之中以生所謂命也是以有動作禮義威儀之則以定命也能者養以之福不能者敗以取禍案詩此章承首章抑抑威儀維德之隅爲言則定命當依左爲說傳訓遠猶爲遠道辰告爲時告言賢人能以遠大之道時警告之也襄三十一一年傳衛北宮文子曰詩云敬愼威儀惟民之則民所不則以在民上不可以終有威而可畏謂之威有儀而可象謂之儀君有君之威儀其臣畏而愛之則而象之故能有其國家令聞長世臣有臣之威儀其下畏而愛之則而象之故能守其官職保族宐家順是以下皆如是是以上下能相固也

其在于今興迷亂于政顛覆厥德荒湛于酒女雖湛樂

從弗念厥紹罔敷求先王克其明荆傳紹繼其執荆法

也疏

箋云于今謂今厲王也邶谷風傳愔興也興與愔同義箋謂尊尚小人義亦相近顛覆厥德荒湛于

酒卽蕩篇所云天不洒爾以酒不義從式也女女厲王也民勞玉女指厲王與此同釋詞云雖維也古雖維聲通書無逸篇云惟耽樂之從文義正與此同紹繼釋詁文罔無也無不也爾雅拱執也共古拱字判法文王我將同

肆皇天弗尚如彼泉流無淪胥以亾傳淪率也夙興夜寐洒埽廷內維民之章傳洒灑章表也修爾車馬弓矢

戎兵用戒戎作用邊蠻方傳邊遠也疏肆故今也義見縣思齊傳爾雅

尚右也右通作祐易无妄傳天命不祐義與此同淪率雨無正同釋詞云無發聲無淪胥以亾淪胥以亾也言皇天弗尚禍亂日生如泉水之流滔滔不返周之君臣將相率而底於敗亾也○洒麗山有樞同章讀同彭故傳訓表也雨無正傳云戎兵也戒讀如左傳季氏戒都車之戒邊遠釋詁文潛夫論勸將篇引詩作逖說文逖遠也古文作邊蕩傳鬼方爲遠方意與此同案此言厲王無道以致亾國凡長民者急宜修理內政扞禦外難

共相警戒從此以下爲自警之詞

質爾人民謹爾侯度用戒不虞傳質成也不虞非度也
慎爾出話敬爾威儀無不柔嘉白圭之玷尚可磨也斯

言之玷不可爲也傳話善言也玷缺也疏質成天保綵同成平也質

成平一義之申人民當作民人爾雅注引詩質爾民人說苑修文篇告爾民人鹽鐵論世務篇詰爾民人皆作民人可證告詰三家詩義侯維也語詞傳云不虞非度者虞度也古不非同言有平治民人之責者宜皆謹女之度以戒非度也書微子云卿士師師非度周語念前之非度韋注云度法也竝與傳非度同○話善言版同字當作語箋云言謂教令也柔安嘉善也玷俗刮字說文刮缺也引詩作刮縑衣引詩作玷召旻會不知其玷箋玷缺也玷行而刮廢矣論語先進篇南容三復白圭江都汪中云白圭不辭今論語奪之玷二字大戴禮衛將軍文子篇史記仲尼弟子列傳皆云一日三復白圭之玷磨俗摩字